

**վարչական վարույթը վերսկսելու և
վարչական տույժ նշանակելու մասին**

13 հոկտեմբերի 2020թ.

ք.Գյումրի

Հայաստանի Հանրապետության պետական եկամուտների կոմիտեի Հյուսիսային մաքսատուն-վարչության պետի ժամանակավոր պաշտոնակատար Նարեկ Գևորգյանս, քննելով Ռաֆիկ Մկրտիչի Պետոյանի (հասցե՝ ք.Գյումրի, Շիրակացի 48, բն.32, անձնագիր՝ AS 0628877, ծնված 16.04.1993թ.) կողմից մաքսային կանոնների խախտում կատարելու վերաբերյալ նյութերը

Պ Ա Ր Զ Ե Ց Ի

Ռաֆիկ Մկրտիչի Պետոյանը 09.07.2020 թվականի թիվ 05100033/090720/0025943 տարանցման հայտարարագրով Բագրատաշենի մաքսային կետ-բաժին անցակետով ՀՀ տարածք է ներմուծել BMW մակնիշի փոխադրամիջոց, որի նշանակման մաքսային մարմին՝ Հյուսիսային մաքսատուն-վարչություն, հասցնելու ժամկետ էր՝ 19.07.2020 թվականը:

Մաքսային հսկողության ներքո գտնվող տրանսպորտային միջոցը և ուղեկցող փաստաթղթերը Հայաստանի Հանրապետության մեկ մաքսային մարմնից մյուս մաքսային մարմին սահմանված ժամկետում չեն հասցվել:

Դեպքի կապակցությամբ 23.07.2020 թվականին Ռաֆիկ Մկրտիչի Պետոյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 195-րդ հոդվածի հատկանիշներով:

ՀՀ ՊԵԿ Հյուսիսային մաքսատուն-վարչության պետի ժամանակավոր պաշտոնակատարի կողմից 14.08"2020 թվականին կայացվել է վարչական վարույթը կասեցնելու մասին որոշում՝ համաձայն «Վարաչարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին մասի «գ» կետի:

Գործի քննությունը նշանակվել է 13.10.2020 թվականի ժամը 12:00-ին: Արձանագրության և ծանուցագրի օրինակը պատշաճ կարգով ուղարկվել է կողմին: «ՀԱՅՓՈՍ» ՓԲԸ-ի կողմից ծրարը հետ է վերադարձվել «Փլված շենք» նշագրումով: Ռաֆիկ Մկրտիչի Պետոյանի հաշվառման վայրի վերաբերյալ ՀՀ ՊԵԿ Հյուսիսային մաքսատուն-վարչության պետի ժամանակավոր պաշտոնակատարի 12.08.2020 թվականի թիվ 27.2/52071-2020 գրությամբ հարցում է կատարվել ՀՀ ոստիկանության անձնագրային և վիզաների վարչություն: ՀՀ ոստիկանության անձնագրային և վիզաների վարչության 17.08.2020 թվականի թիվ 41771-2020 գրության համաձայն վերջինս 30.03.2010 թվականից հաշվառված է Գյումրի քաղաքի Շիրակացու 48 շենք, բն.32 հասցեում:

ՀՀ ՊԵԿ Հյուսիսային մաքսատուն-վարչության պետի ժամանակավոր պաշտոնակատարի 12.08.2020 թվականի թիվ 1/27.2/52079-2020 գրությամբ հարցում է

կատարվել ՀՀ կադաստրի կոմիտե՝ քաղաքացու անվամբ գրանցված գույքի վերաբերյալ ըստ հասցեի: ՀՀ կադաստրի կոմիտեի 18.08.2020 թվականի թիվ 41943-2020 գրությամբ տեղեկացվել է, որ նշված քաղաքացու անվամբ ՀՀ տարածքում անշարժ գույքի նկատմամբ իրավունքի պետական գրանցում կատարված չէ:

ՀՀ մաքսային օրենսգրքի 195-րդ հոդվածի համաձայն՝ Հայաստանի Հանրապետության մեկ մաքսային մարմնից մյուս մաքսային մարմին մաքսային հսկողության ներքո գտնվող ապրանքները կամ տրանսպորտային միջոցները սահմանված ժամկետում չհասցնելը՝ առաջացնում է տուգանքի նշանակում՝ 100.000 ՀՀ դրամի չափով:

ՀՀ մաքսային օրենսգրքի 219-րդ հոդվածի 2-րդ մասի համաձայն՝ մաքսային կանոնների վերաբերյալ գործը կարող է քննվել նաև տվյալ անձի բացակայության դեպքում, եթե քննության տեղի և ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս: Նույն հոդվածի 3-րդ մասի համաձայն 2-րդ կետում նշված դեպքում մաքսային մարմնի պաշտոնատար անձն անհրաժեշտ բոլոր գործողությունները կատարում և գործը քննում է օրենսդրությամբ սահմանված կարգով:

Ելնելով վերոգրյալից և ղեկավարվելով ՀՀ մաքսային օրենսգրքի 195-րդ, 206-րդ, «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 3-րդ մասով և ՀՀ վարչական իրավախախտումների վերաբերյալ օրենսգրքի 32-րդ և 234-րդ հոդվածներով՝

Ո Ր Ո Շ Ե Ց Ի

1. Ռաֆիկ Մկրտիչի Պետոյանի վերաբերյալ հարուցված վարչական վարույթը վերսկսել:
2. Ռաֆիկ Մկրտիչի Պետոյանին ճանաչել զանցառու ՀՀ մաքսային օրենսգրքի 195-րդ հոդվածով և նրա նկատմամբ նշանակել վարչական տուգանք՝ 100.000 ՀՀ դրամի չափով (վարչական տուգանքն անհրաժեշտ է փոխանցել 900005024055 հաշվեհամարին, նշելով Հյուսիսային մաքսայուն-վարչության կողմ՝ 28):
3. Որոշման մասին հայտնել Ռաֆիկ Մկրտիչի Պետոյանին:
4. Որոշումը կարող է բողոքարկվել վերադաս մաքսային մարմին կամ դատարան որոշումն ուժի մեջ մտնելուց հետո երկամսյա ժամկետում:

ՀՅՈՒՍԻՍԱՅԻՆ

ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏԻ
ԺԱՄԱՆԱԿԱՎՈՐ ՊԱՇՏՈՆԱԿԱՏԱՐ

Ն.ԳԵՎՈՐԳՅԱՆ